

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৫১৪১  
সাবুম, ১১ মার্চ, ২০২৪

সাতচাঁদ কৃষি মহকুমায় এগ্রি ডেভেলপমেন্ট রিসার্চ কাম ট্রেনিং সেন্টারের উদ্বোধন  
কৃষকদের আর্থসামাজিক মান উন্নয়নে বিশেষ গুরুত্ব দেওয়া হয়েছে : কৃষিমন্ত্রী

রাজ্যের কৃষকদের আর্থসামাজিক মান উন্নয়নে বিশেষ গুরুত্ব দেওয়া হয়েছে। এই লক্ষ্যে কৃষি জমির সঠিক ব্যবহার ও সঠিক সময়ে কৃষকদের আধুনিক উপকরণ দেওয়ার উপর গুরুত্ব দেওয়া হচ্ছে। আজ সাতচাঁদ কৃষি মহকুমায় তথ্য প্রযুক্তি সম্বলিত এগ্রি ডেভেলপমেন্ট রিসার্চ কাম ট্রেনিং সেন্টারের উদ্বোধন করে কৃষি ও কৃষক কল্যাণ মন্ত্রী একথা বলেন। অনুষ্ঠানে কৃষিমন্ত্রী বলেন, খদ্যশস্যের উৎপাদনশীলতা বৃদ্ধি করে রাজ্যকে খাদ্যে স্বয়ন্ত্র করে তোলার উদ্যোগ নেওয়া হয়েছে। রাজ্যের প্রাণিক কৃষি মহকুমাগুলিতেও কৃষি সম্পর্কিত প্রযুক্তিগত জ্ঞান কৃষকদের কাছে পৌছে দিতে রাজ্যের প্রতিটি রাজ্যে কৃষি মহকুমা স্থাপনের পরিকল্পনা নেওয়া হয়েছে। রাজ্যে ৫৮টি রাজ্যের মধ্যে কৃষি মহকুমার সংখ্যা ৪৭টি। উল্লেখ্য, দ্বিতীয় এই এগ্রি ডেভেলপমেন্ট রিসার্চ কাম ট্রেনিং সেন্টার নির্মাণে ব্যয় হয়েছে ১ কোটি ৭০ লক্ষ টাকা।

অনুষ্ঠানে কৃষিমন্ত্রী আরও বলেন, কৃষকদের কাছে কৃষি সম্পর্কিত প্রযুক্তিগত জ্ঞান পৌছে দিতে এগ্রি ডেভেলপমেন্ট রিসার্চ কাম ট্রেনিং সেন্টার, কৃষক জ্ঞানার্জন কেন্দ্র, কৃষক বন্ধু কেন্দ্র গড়ে তোলা হচ্ছে। এই সমস্ত প্রতিষ্ঠানগুলির মাধ্যমে কৃষকদের প্রশিক্ষণ, বিভিন্ন কৃষি পরামর্শ, নতুন নতুন কারিগরি বিষয় ও বিভিন্ন সমস্যা নিরসনে উপযুক্ত প্রশিক্ষণের ব্যবস্থা করা হয়। রাজ্যের কৃষি সেক্টরগুলিকে ভিত্তি করে কৃষক জ্ঞানার্জন কেন্দ্র গড়ে তোলা হচ্ছে। রাজ্যে এরকম ৮৩টি কৃষক জ্ঞানার্জন কেন্দ্র গড়ে তোলা হবে। কৃষিমন্ত্রী রতনলাল নাথ আজ সাবুম মহকুমার পোষাংবাড়ি কৃষি মহকুমায় এগ্রি ডেভেলপমেন্ট রিসার্চ কাম ট্রেনিং সেন্টারের শিলান্যাস করেন।

উদ্বোধনী অনুষ্ঠানে উপস্থিত ছিলেন বিধায়ক মাইলাফু মগ, সাতচাঁদ পঞ্চায়েত সমিতির চেয়ারম্যান অনিল চন্দ্র মজুমদার ও প্রাক্তন বিধায়ক শঙ্কর রায়। অনুষ্ঠানে সভাপতিত্ব করেন সাবুম নগরপঞ্চায়েতের চেয়ারপার্সন রমা পোদ্দার দে।

\*\*\*\*\*